

FUTBOLA

Hirugarrengoan balekoa

Garmendia atezainak penalti jaurtiketa gelditu zuen ordu laurdena falta zela

EIBAR

Garmendia; Arriola, Martinez, Carmona, Sarriegi, Arregi; Olano, Artetxe, Bixente; Jandro, Loinaz. Kortina, Jandroren ordez (60. minutua), Aginaga, Olanoren ordez (73. minutua), eta Rebollo, Loinazen ordez (80. minutua).

VILLARREAL

Luis Pacual; Cornago, Javi, Roberto, Pascual; Zandio, Claut, Vinals, Parra; Alexander, Garcia Pitarch. Ricky, Clauten ordez (45. minutua).

GOLAK: 1-0: Jandro (14. min.)

ARBITROA: Ramon Gonzalez. Txartel horiak: Zandio (12. min.), Arriola (27. min.), Alexander (36. min.), Sarriegi (40. min.), Parra (54. min.), Pascual (59. min.).

DONOSTIA

Villarreal taldeak plenoa egin zuen Euskal Herrian orain arte jokaturako bi lehiaketetan, garai-pen bana eskuratuz hala Gasteizen nola Bilbon. Atzo, hirugarrengoan, Fidel Uriarteren mutilek laprast egin zuten Eibarren ordea, eta burmakur joan ziren Castello aldera etxekoan kontra 1-0 galdu ondoren. Villarreal partidurik galdu gabe zegoen, baina atzo arratsaldean ez zuen meriturik egin batere Jandrok 14. minutuan egindako golari buelta emateko. Ezta Eibarrek gehiegi ere, egia esateko.

Partidua oso zakarra izan aurreneko zatian eta bi taldeek baloia hanka tartean galdu besterik

ez zuten egin. Eibarren gola izan zen, dudarik gabe, lehen zati horretako gauzarik ikusgarriena, Jandrok defentsari aurrea hartu eta burukada eder batez biribildu baitzuen Olanok eskuin hegaletik egindako jokaldi ederra. Ondoren, zabarkeria izan zen nagusi futbol zelaian, zabarkeria bi taldeetan.

Atsedenaldiaren ondoren, jokalariek bizi-bizi ekin zioten partiduari eta futbol itxurosoa eskaini zuten aurreneko ordu laurdenean, batez ere Eibarrek. Rickyk, esate baterako, bere ateko marra azpitik atera behar izan zuen Jandrok berak aurrez aurre jotako burukada bat, bigarren gola izan zitekeena. Villarreal, ordea, egokiera hobe hartu zion jarraian partiduari eta emaitza berdintzeko zorian izan zen, baina ezin izan zuten eibartarren defentsa behin ere gainditu.

Gainditu zuten aukera bakarra oso duda-mudakoa gertatu zen, gainera, arbitroak penalti adierazi baitzuen jokaldi eztabaidagarri batean. Baloia Arriolaren besoan jo zuen baina hau gorpuzari itsatsi zegoen. Garmendiak, hala ere, gelditu egin zuen Garcia Pitarchen jaurtiketa gogorra eta hiru puntuak etxean geratu ziren azkenik.

SESTAOK 5-0 GALDU BARTZELONAN

Erraz, oso erraz galdu zuen atzo Sestaok atzo, Barcelona B 5-0 gailendu zitzaizolako. Lehen zatian erabaki zuen partidua Quique



Jandro izan zen Eibar taldeko goleatzailea.

EDURNE KOCH

Costas-en ekipoak, atsedenaldirako jadanik 4-0 ari zelako irabazten. Lehen gola Patri erdilaria sartu zuen. Bigarrena, Christiansen aurrelariak. Hirugarrena, berriz ere, Patrik sartu zuen. Eta lehen zatia bukatzeko minutu gutxi falta zela, Setvalles erdilaria goleatzaile. Sestaok zer-egi-

nik ez zuen dagoeneko. Bigarren zatian, baina, Bigarren A Mailan lider doan liderrak gol bakarra sartu zuen, Garcia aurrelariak eginikoa. Beraz, jaun eta jabe Barcelonaren talde filiala, eta hori De la Peña, Celades, Roger eta Moreno lehen ekipoarekin zeudela.

RUGBYA

Miarritzek eta Auchek bigarren postua jokoan

KOLDO ALDUNTZIN / DONOSTIA

Laugarren jardunaldian aurtengo lehen partidua galdu zuen Miarritzek Istresen. Horrek ez du gehiegi kezkatzen Huarte entrenatzailea, etxean ez galtzeari ematen dio garrantzia. Gaur Auch izango du aurrean, *poule* honetako talderik indartsuena. Jokaturiko lau partiduetatik Perigeuxen aurka galdu du soilik, eta bigarren postuan da hamar punturekin.

Lapurtarren arazo nagusia ez da kontrarioa, berak duen jokoa egiteko gai izango den baizik. Joaneke norgehiagoka honetarako zenbait aldaketa egingo ditu Huarte entrenatzaileak: Tarrat, Durand, Huarte eta Riviere zelairetako dira. Badirudi, bestalde, denboraldi hasieran Baionara joan eta berriro itzuli den Bronson hegala izango dela zalantza bakarra.



Miarritze taldeko Bronson jokalaria.

K. ALDUNTZIN

B multzoan Peyrehorade-Donibane Lohizune eta Baigorri-Soustons, landetar eta euskaldunen arteko derbi bikoitza jokatuko da. Donibane Lohizunek Peyrehorade baina bi puntu

gehiago ditu sailkapenean eta ez luke galdu nahi bigarren partidua kanpoan. Honetarako Dabadiek hobeto asmatu beharko du jaurtiketatan eta falta gutxiago egin. Soustonsen 19-11 irabazi zion

Donibaneri eta gaur zailtasunak izango ditu Baigorri bere lehen garaipena lortzeko etxean. Garaiz laugarren garaipena lortzera irtengo da Angulemara, zenbait aldaketekin. Neurketa guztiak arratsaldeko 3retan hasiko dira.

GETXOK LEHEN IRTEERA BIHURRIA

Xerox-Getxok Valladoliden hasiko du kanpoko odisea, Dulciora-El Salvadorren kontra. Fernando Lavin Puzelakoen entrenatzaileak iazko jokalariekin ekin dio denboraldiari zenbait gazte sartuz. Azken denboraldietan aurreneko bost postuetan sailkatu da, 90-91 denboraldian titulua irabazi zuelarik. Ez zuen oso ondo hasi txapelketa, joan den igandean 23-14 galdu baitzuen Sevillan. Bizkaitarrak nahiko gaizki moldatzen dira Pepe Rojo zelaian; iazko neurketa, urrutira joan gabe, galdu egin zuten.

XAKEA

Anand etsita dago eta parra onartu du 16. partidari

NEW YORK

Xake Profesionalaren Elkartek (PCA) antolatzen duen munduko txapelketako finala Kasparoven alde erabakita dago orain dela egun batzuk. Viswanathan Anand indiarak etsi egin du dagoeneko eta azken partidetan nabarmendu zaio bere nahia txapelketa lehenbailehen amaitzea dela.

Atzoko hamaseigarren partidari Gari Kasparov txapelkunak zuriekin jokatatu zuen eta 20. mugimendua eta gero parra egitea proposatu zion Anandi. Honek onartu egin zituen eta orain Kasparoven alde hiru puntukoa da: 9,5 puntu berak eta 6,5 Anandek. Adituen arabera, herenegun egindako parrak eta atzokoak agerian uzten dute txapelketa honek jada galdu duela jarraitzeko arrazoirik, Anand etsita baitago.

Atzoko partidak ez dauka ezer komentatzeko, ez zen izan berrikuntza teorikorik, ez emoziorik, ezta edertasunik ere.

MOTOZIKLISMOA

Kataluniako Sari Nagusia jokatuko da gaur Montmelon

BARTZELONA

Gaur Bartzelonako Montmelo zirkuituan egun handia da, Kataluniako Sari Nagusia jokatuko baita. Ostiralean jada lanari ekin zioten txapelketan parte hartuko duten motoretako gidariek. Ostirala eta atzoko eguna entrenamendu egunak baitziren. Entrenamendu hauen ostean atzo hauetan oinarritutako sailkapenak plaza-ratu ziren.

500 z.k.-ko kategorian, Luca Cadalora italiarrak lortu du sailkapenaren puntaren-puntan kokatzea 1.46.335eko denborarekin; atzetik, izen handiko gidaria du, Michael Doohan. 250 z.k.-ko kategorian, sailkapeneko aitzindari Tetsuya Harada japoniarra da 1.48.286ko denborari esker.